



Ўзбекистон «Adolat»  
sotsial-demokratik  
partiyasi

# ADOLAT

**IJTIMOIY-SIYOSIY GAZETA**

2021-YIL 24-IYUL, SHANBA ★ № 30 (1347)

info@adolatgzt.uz  
www.adolatgzt.uz  
www.adolat.uz  
adolatgzt-95@mail.ru  
t.me/Gazeta\_Adolat



## САЙЛОВ КАМПАНИЯСИГА СТАРТ БЕРИЛДИ

23 июль куни Ўзбекистон Республикаси Марказий сайлов комиссиясининг навбатдаги мажлиси бўлиб ўтди.

Сиёсий партиялар раҳбарлари, фуқаролик жамияти институтлари ва оммавий ахборот воситалари вакиллари иштирок этган тадбирда Марказий сайлов комиссияси томонидан 2021 йил 24 октябрь Ўзбекистон Республикаси Президенти сайлови куни, деб белгиланди. Сайлов кампанияси 23 июлдан бошланиши эълон қилинди.

Президент сайлови шу йил 8 февралда Ўзбекистон Республикаси Конституциясининг 117-моддасига киритилган ўзгаришга мувофиқ, октябрь ойида бўлиб ўтади. Ўзбекистон Республикаси Марказий сайлов комиссияси Раиси Зайниддин Низомжўяев Президент сайлови янгиланган миллий сайлов қончилиги, умумэтироф этилган халқаро стандартларга мос, демократик тамойиллар асосида, очиқ ва ошқора ўтказилиши алоҳида қайд этди.

Бўлажак сайлов 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган демократик ғояларнинг амалдаги яна бир ёрқин ифодаси бўлади.

2016 йил 4 декабрдаги Президент сайловидан буён ўтган беш йил мобайнида халқ, мамлакат ҳаётида, жамиятда, миллий сайлов қончилигида улкан ўзгаришлар юз берди. Нуфузли халқаро ташкилотлар

ҳамда экспертлар кенг эътироф этишганидек, бу даврда республика ҳаётининг ижтимоий-сиёсий ва иқтисодий соҳаларида халқ фаровонлигини юксалтиришга йўналтирилган дадил ислохотлар амалга оширилди. Илк бор Ўзбекистон Республикасининг Сайлов кодекси асосида ўтадиган Президент сайловида конституциявий қоидалар ва халқаро сайлов стандартларига биноан Ўзбекистон Республикасининг Президенти, яъни давлат раҳбари даврийлик принципи асосида сайланиши таъминланади. Қолаверса, мамлакатимизда сиёсий партиялар сони яна биттага кўпайиб, партиялараро рақобат сезиларли даражада кучайди.

Мажлисида сайлов кампанияси даврида барча сиёсий

партиялар ва улар кўрсатган номзодлар учун соғлом рақобат муҳити ва тенг шароит яратилиши алоҳида таъкидланди. Бунда Президент сайловига тайёргарлик кўриш ва уни ўтказиш билан боғлиқ ишлар, жумладан, сайловчиларнинг овоз бериш жараёнини ўз номзодини илгари сурган сиёсий партиялар, фуқаролар ўзини ўзи бошқариш органлари, халқаро ташкилотлар ва хорижий давлатлар вакиллари, журналистлар, жумладан, хорижий журналистлар — минглаб кузатувчилар кузатиб боради.

Бўлажак сайловни сиёсий-ҳуқуқий ва ташкилий жиҳатдан юксак савияда ўтказиш мақсадида Марказий сайлов комиссияси томонидан шу йил 14 апрелда тасдиқланган Ўзбекистон

Республикаси Президенти сайловига тайёргарлик кўриш бўйича асосий тадбирлар дастурига биноан, ҳамкор ташкилотлар билан биргаликда кенг қўламли ишлар амалга оширилмоқда. Унга кўра, Президент сайловининг аҳамияти, ўзига хос жиҳатлари, Сайлов кодекси, сайлов қончилигига киритилган ўзгариш ҳамда кўшимчаларнинг мазмун-моҳиятини сайловчиларга ва сайлов ташкилотчиларига етказиш муҳим вазифа сифатида белгиланган. Айтиш жоизки, сайлов кампанияси эълон қилингунга қадар бўлган даврда амалга оширилган бундай тадбирлар миллионлаб фуқароларни қамраб олди.

Муҳтарам КОМИЛОВА,  
Ўз муҳбири

## ТАЪМИР ДАВОМ ЭТМОҚДА,



МАБЛАҒ  
ЭСА...

2

## СУДЬЯНИ ҲАҚОРАТЛАГАН ШАҲС



ҚОНУНИЙ  
ЖАЗОГА ТОРТИЛДИ

4

## МОЗИЙДАН ЛАВҲАЛАР



5


## МЕТРО БЕКАТИДАГИ ТИРБАНДЛИК



мақсад чиндан ҳам йўловчиларга қулайлик яратишми ёки...

6

## Рус аёлининг НАВОИЙГА ЭХТИРОМИ



6

### Бугуннинг гапи

## ХАЛҚНИНГ КЎНГЛИГА ВАҲИМА СОЛАЁТГАНЛАР

Вакцина  
нима  
эканини  
билишадими?



Мамлакатимизда эпидемиологик вазият кескинлашиб бораётган бир пайтда, гарчи барча сазъ-ҳаракатлар халқимизнинг умумий манфати, аҳоли саломатлигини асрашга қаратилган бўлса-да, коронавирусга қарши эмланиш жараёнлари нисбатан суст бораётгани, баъзи юртдошларимиз вакцина олишга ҳаммон иккиланаётгани бор гап.

2

## ИЖТИМОЙ ТАРМОҚЛАРДА ТАРҚАЛГАН ВИДЕОМУРОЖААТ ЮЗАСИДАН

### ИННОВАЦИОН РИВОЖЛАНИШ ВАЗИРЛИГИНИНГ БАЁНОТИ

Тошкент Асаб ва руҳият илмий-тиббий маркази директори, профессор Зарифбой Ибодуллаев ижтимоий тармоқларда тарқалган видеомурожаатида юртимизда амалга оширилаётган оммавий вакцинация жараёнларида қўлланилаётган Ўзбекистон — Хитой ҳаммуаллифлигидаги ZF-UZ-VAC2001 вакцинасининг яратилиш боқиқлари ҳақида маълумотлар йўқлигини айтиб, ушбу вакцина қўлланилишининг мақсадга мувофиқлигини шубҳа остига олади.

З.Ибодуллаевнинг эътирозлари ноўрин ва ҳақиқатга умуман тўғри келмайди, у томонидан тарқатилган видеоматериаллар Ўзбекистонда



амалга оширилаётган оммавий вакцинация жараёнларида аҳолини чалғитишга хизмат қиляпти.

Профессор З.Ибодуллаев илмий журналлардаги маълумотларни ўрганмай, мазкур вакцина ҳақида ҳеч қаерда

маълумотлар берилмаган, деб халқимизнинг кўнглига гулгула солмоқда. Қуйида профессор томонидан берилган саволларга жавоб берамиз.

4